



06.oktober 2020

UKA2020/21-22

**Imm.21: Aningaasarsianit akileraarutit pillugit Inatsisartutinatsisaata allangortinneranik Inatsisartut inatsisaat nr. x, xx. xxx 2020-meersoq. (Ingerlatseqatigiiffiit akileraarutaanik ap-paaneqsoraarnerussutisianullu maleruagassat ilaannik allanngueq).**

(Aningaasaqarnermut Naalakkersuisoq)

**Imm.22: Uunga siunnersuut: Pigisanit pissarsiat ilaasa akileraaruserneqartarneratpillugu Inatsisartut Inatsisaata allangortinneqarnera pillugu Inatsisartutinatsisaat nr. xx af xx. xxx 2020-meersoq. (Atuuffissaasa annikillisinneqarnerat).**

(Aningaasaqarnermut Naalakkersuisoq)

Nunattaq Qitornai aammalu Siumut sinnerlugu oqaaseqassuunga:

Nunarsuarmioqatigiinninitsinni nunarput tulluarsarluni inissisimasuassaaq. Tunisassiornitsinni sulissaqarnitsinnilu unammillersinnaassuserput nukittuumik inissisimasuarnissaanut siunertaqarluta sulissuugut. Nunatut suleqatigiuminarsarluta akileraarutitigullu atugassatigut soqutiginarsarluta.

Aningaasaqarnermut naalakkersuisutta saqqummiussai ilassilluarpavut.

Siorna maani Inatsisartuni ingerlatseqatigiiffiit akileraarutaata 30-nit 25-nut appartinneqarnissaa isumaqatigiissutigaarput, taassumalu nassataraa aningaasarsianit akileraasutit pillugit inatsimmut ilanngussineq.

Akileraarutitigut atukkat pitsanngorsarnerisigut inuussutissarsiutinik ingerlataqartut pitsaasunik tunngavissaqartinniarlugit ingerlataqarnerup ineritikkiartornera pisariaqarpoq taamaasiornikkut Nunarput suliffissatigut pisuunnguallanniassamat.

Inuussutissarsiuteqarnermi nunatsinni unammilligassat kisiisa isigisinnaajunnaarnikuuavut, pisariaqarporlu nunat tamalaat sanillersuunniarfigisartakkavut aamma qissimingaartariaqartarneri.

Inuussutissarsiutinut ingerlataqartunut atugassaritavut nunarsuarmioqatitsinnut unammillersinnaassuseqartariaqarnerat taamaasiornikkut aningaasalersueqataasartut aamma ingerlataminnik naleqassutsimik pilersitsisut maannga nunatsinnut inissisinnissaat kajumittuunissaallu toqqagassamittut isiniassamassuk. Siunnersuutip UKA2020/21 tassa siunertaa, tamannalu taperserparput.

# Nunatta Qitornai

## Inatsisartuni



Siunnersuutigineqartup aappaa aningaasarsianit akileraarutit pillugit inatsimmi aammalu pigisanit pissarsiat ilaasa akileraaruserneqartarnerat pillugu inatsisartut inatsisaanni soraarnerussutisiat akileraaruserneqartarnerannut malittarisassat teknikkimut tunngasumik allannguissapput.

Allannguinermit malittarisassat maanna atuuttut erseqqissaavigineqassapput maannamut ersernerluttumik aammalu pisarissersuutaasutut misilittagaqarfigineqarmata. Pingaarnertut aaqqiivigineqartussaq inatsimmi §39a soraarnerussutisianut aningaaserivimmi Danmarkiillu tunniuttakkat pillugit danskit akileraartarnermi oqartussaasuinit paasiniaassutiginnittarsimanerat erserpoq, kinguarsaataasarsimallunilu.

Soraarnerussutisianut aaqqissuussinerit ilaannut Danmarkimi nunatsinneersut pillugit aalajangersakkanik ilanngussisoqarnissaa pisariaqartutut isigineqarmat siunnersuut piuvoq. Inuit assersuutigalugu nunatsinni piffissami aalajangersimasumi sulinissartik pissutigalugu nunatsinnut nuukkaagamik soraarnerussutisianut aaqqissuussinernik Nunatta avataaneersunik nassataqartarerat aalajangersakkamut atasutut sigineqassasoq innersuussutigineqarpoq.

Inatsisip allannguutissatut erseqqissaassuteqarfigineqartut paasilluarlugu inatsisissatut siunnersuutip saqummiunneqarnera taperserparput.

Siunnersuutip taakku marluk ataqatigiisillugit saqummiunneqartut aningaasaqarnermut akileraartarnermullu ataatsimiititaliamut ingerlateqqippavut.